



A VIRXE DE GUADALUPE

A Virxe de Guadalupe
cando veu para Rianxo,
a barquiña que a trouxo
era de pau de laranxo.

Ondiñas veñen,
ondiñas veñen,
aondiñas veñen, e van,
non te embarques rianxeira
que te vas a marear.

A Virxe de Guadalupe
cando vai pola ribeira,
descalciña pola area,
parece unha rianxeira.

Ondiñas veñen, ...

Mariñeiro de Rianxo,
sexas pobre, sexas rico
lévalle á Nosa Señora
nun caraveliño un bico.

Ondiñas veñen, ...
Collín a dorna en Rianxo
fun a Padrón pola ría,
da terra de Castelaio
á terra de Rosalía.

Cancións de Sempre



AMOR RIANXEIRO

Teño un amor en Rianxo
e outro en Vilagarcía,
para ve-los meus amores
teño que cruza-la ría.

Teño que cruza-la ría,
teño que cruza-la ría.
Teño un amor en Rianxo
e outro en Vilagarcía.

Nin lle temas mariñeiro
ó ventiño do mar,
que o vento mareiro
dá mellor de navegar.

Se navegas pola ría
de Rianxo verás
ás estrelas e á lúa
darlle bicos o mar.

Lévalle no teu peteiro
Gaivotiña voa, voa,
lévalle, no teu peteiro,
unha cantiga de amores
ó meu amor rianxeiro.

ó meu amor rianxeiro,
ó meu amor rianxeiro,
gaivotiña voa, voa
lévalle no teu peteiro.

Non lle temas mariñeiro...

Cancións de Sempre



APAGA O CANDIL

Apaga o candil,
Maríca, chus, chús,
apaga o candil,
que ten moita luz,
que ten moita luz, moita claridade,
apaga o candil, e achégate alá

Pasei diante da túa porta,
e mirei polo cerrollo,
a ladra de túa nai
meteume un pau por uno ollo,
meteume un pau por un ollo,
ai, la le, lo, ai, la, la, ló.

Apaga o candil,
Maríca, chus, chús,
apaga o candil,
que ten moita luz,
que ten moita luz, moita claridade,
apaga o candil, e achégate alá.

Túa nai é chicolate,
e teu pai chicolateiro,
túa nai lambe as cazolas,
e o teu pai lambe os pucheiros,
e o teu pai lambe os pucheiros,
ai, la, le, lo, ai, la, la, ló.

Apaga o candil, ...

Pica canteiriño pica,
pica na pedra miuda,
pica na muller allea,
que outro picará na túa,
que outro picará na túa,
ai, la, le, lo, ai, la, la, ló.

Apaga o candil, ...



BAILACHES CAROLINA

A saia de Carolina
ten un lagarto pintado;
cando Carolina baila,
o lagarto dalle ó rabo.

¿Bailaches Carolina?
Bailei, si seños.
Dime ¿con quen bailaches?
Bailei co meu amor.

Co teu amor, Carolina,
non volvas a bailar,
porque che levanta a saia
e é moi mala de baixar.

A Carolina é unha tola
que todo o fai o revés;
vístese pola cabeza
e íspese polos pés.

¿Bailaches Carolina? ...
Bailei no cuartel.
Dime, ¿con quen bailaches?
Bailei co coronel.


Co coronel, Carolina,
non volvas a bailar,
porque che levanta a saia
e é moi mala de baixar.

O señor cura non baila
porque ten unha coroa.
Baile, señor cura, baile,
que Deus todo llo perdoa.

¿Bailaches Carolina?
Bailei, abofé.
Dime, ¿con quen bailaches?
Bailei co meu Xosé.

Co teu Xosé, Carolina,
non volvas a bailar,
porque che levanta a saia,
e é moi mala de baixar.

Cancións de Sempre





CATRO VELLÓS MARIÑEIRO

Catro vello mariñeiros,
catro vellos mariñeiros,
todos metidos nun bote.

Boga, boga, mariñeiro,
imos para Viveiro,
xa se ve San Roque.

Boga, boga, mariñeiro,
imos para Viveiro,
xa se ve San Roque.

Ailalelo, ailalalelo,
aillalelo, ailalala,
ailalelo, ailalalelo,
ailalelo, ailalala,
ailalelo, ailalalelo,
ailalelo, ailalala.

Os mariñeiros traballan,
os mariñeiros traballan,
de noite coa luza da lúa.

Da gusto velos chegaren
pola mañá cedo,
cheirando a frescura.

Da gusto velos chegaren
pola mañá cedo,
cheirando a frescura.

Ailalelo, ailalalelo, ...

Traio sardiña e bocarte,
traí sardiña e bocarte,
tamén xurelo pequeno.

Rapaciño de Viveiro,
ven busca-lo lote
do teu mariñeiro.

Rapaciña de Viveiro,
ven busca-lo lote
do teu mariñeiro.

Ailalelo, ailalalelo, ...

Cancións de Sempre



GALICIA TERRA MEIGA

Ven queridiño, ven,
que che quero dar
todo o meu cariño.
Ven, queridiño, ven,
que che quero dar
todo o meu amor.

Quéroche cantar, Galicia,
desde a beiriña do mar,
as penas que levo dentro,
que por ti me fan chorar.

Miña terra queridiña,
non te podo "olvidar"
Galicia, Terra meiga,
miña casa, meu lar.
Miña terra queridiña,
non te podo "olvidar",
os teus aires do monte,
os teus aires do mar.

Cda momento que pasa,
Galicia quéroche máis,
quixera eu morrer nela,
onde morreron os meus pais.

Cancións de Sempre



MIUDIÑO

Éche un andar miudiño,
miudiño, miudiño,
miudiño, miudiño,
o que eu teño.

Que teño unha borracheira
de viño, que auga non debo beber,
mira, mira Maruxiña,
mira, mira, como veño.

Inda que ves, que me ves,
que me ves, que me ves
que me caio,
heiche de andar miudiño,
miúdo, miúdo.

Que eu traio unha borracheira
de viño, que auga non bebo,
mira, mira Maruxiña,
mira, mira como veño.

Ainda que ves, que me ves,
que me ves, que me ves,
que vou caendo
éche o andar miudiño,
miúdo, miúdo que eu teño.



SEMENTEIRA

Sementar, sementarei,
loguiño de clarexar
en tanto no pobo medre
un meniño, un vello, e un cantar.

Un meniño rebuldeiro
que fale na lingua nai,
que suba nos pexegueiros
a froita verde a roubar.

Un vello que dea consellos,
un rostro de fume e pan,
que conte contos ós nenos
do cuco e do paspallás.

Un cantar de redención,
un vello e novo cantar,
que troque a desolación
nun limpo e claro alborear.

Logo deixáme morrer
entre dous regos, queimando,
cando veñan os solpores
dos homes esfameados.

Cancións de Sempre



QUEIXUMES

Fun ó muiño do meu compadre,
fun polo vento, vin polo aire,
e como cousa de encantamento,
fun polo aire, vin polo vento.

E pousa, pousa, pousa,
e non me toques aquela cousa,
e pousa, pousa, axiña,
e non me toques aquela cousiña.

Murmuraban as miñas veciñas
que eu andaba co crego nas viñas,
iso é verdade,
e eu non o nego,
que eu andei a loitas co crego.

E pousa, pousa, pousa, ...
Maruxiña cando chove
pon ó neno no tellado,
o neno de Maruxiña
cando chove está mollado.

E pousa, pousa, pousa,...

Cando me case xa teño un galo
xa miña nai non me ten que dalo,
cando me case xa teño un polo,
xa miña nai nin me ten que dar todo.

E pousa, pousa, pousa, ...



O SACRISTÁN DE COIMBRA

O sacristán de Coimbra
facía mil diabluras,
mollaba o pan en aceite
deixaba os santos a escuras.

E vate fado, e vate ben
ti ere-la escusa do meu desdén.

O mar tamén ten amores
o mar tamén ten muller
está casado coa area
dálle bicos cantos quer.

E vate fado, e vate ben...

Eu quixera ser merliño
e ter o pico encarnado
para facer o meu niño
no teu cabelo dourado.

E vate fado, e vate ben...



NA BEIRA DO MAR

Ollos verdes son traidores...
azules son mentireiros,
os negros e acastañados
son firmes e verdadeiros (bis)

Na beira, na beira,
na beira do mar
hai unha lanchiña,
para ir a navegar,
para ir a navegar,
para ir a navegar,
na veira, na veira,
na veira do mar.

Cinco setidos temos..
os cinco necesitamos
pero os cinco perdemos
cando nos namoramos (bis)

Na beira, na beira,
na beira do mar,
hai unha lanchiña,
para ir a navegar,
para ir a navegar
para ir a navegar
na beira, na beira,
na beira do mar.

Cancións de Sempre



HIMNO GALEGO

¿Qué din os rumorosos,
na costa verdecente
ao raio transparente
do pracido luar?

¿Qué din as altas copas
de escuro arume arpado,
co seu ben compasado
monótono fungar?

Do teu verdor cinguido,
e de benignos astros,
confín dos verdes castros
e valeroso chan,
non des a esquecemento
da inxuria e rudo encono;
desperta do teu sono
fogar de Breogán.

Os bos e xenerosos
a nosa voz entenden
e con arroubo atenden
o noso ronco son,
máis só os ñorantes,
e féridos e duros,
imbéciles e escuros
non nos entenden, non.

Os tempos son chegados
dos bardos das edades
que as vosas vaguedades
cumprido fin terán;
pois donde quer xigante,
a nosa voz pregoa
a redenzón da boa
nación de Breogán.

Cancións de Sempre



A VENDIMA

Este cantar da vendima
éche un cantar vendimeiro.

Este cantar da vendimia
éche un cantar vendimeiro.

Este cantar da vendima
trouxerono do Ribeiro.

Este cantar da vendima
trouxerono do Ribeiro.

Ai, la, la, la, lá.

Ai, la, la, la, lá.

Ai, la, le, ló.

Vendima, vendima de Oira,
na vendima do meu pai.

Vendima, vendima de Oira
na vendima do meu pai.

E o viño vai na cabaza,
e o pan na cestiña vai.

E o viño vai na cabaza,
e o pan na cestiña vai.

Ai, la, la, la, lá.

Ai, la, la, la, lá.

Ai, la, la, la, lá.

Vendima, vendima de Oira,
na vendima do meu pai.

Vendima, vendima de Oira
na vendima do meu pai.

Eiche de comer as uvas,
que outra cousa non hai.

Eiche de comer as uvas,
que outra cousa non hai.

Ai, la, la, la, lá.

Ai, la, la, la, lá.

Ai, la, la, la, lá.

Este cantar da vendima
éche un cantar moi meiguíño.

Este cantar da vendima
éche un cantar moi meiguíño.

Este cantar é da terra
onde se fai un bo viño

Ai, la, la, la, lá.

Ai, la, la, la, lá.

Ai, la, la, la, lá.

Cancións de Sempre

